



فلو كانت أبيض

ربو
بالعامة
البحرية

تركيبة خاملة في الدنيا..
قابل للكسر بأنواعه
يصعد ثابت في الثانية..
يقومون من الحزن وأوجاعه
قدرك يا نعيش في الكرتونة..
مع كل كاساتها المزرقة
أو كاس من ضمن اليي ابتاعوا!!



تنبيه هام

عُمري ما خططت إطلاقاً.. إني أنقِ أي حاجة..
عمرى ما كن عندي ثقافة (الإختيار)..
دايماً عندي قلق من بكرة..
وحب ل إمبرج..
حابس كل تفاصيل حياتي ف اللي بفتكره من التسعينات اللي تحتت دماغي
وشككتها بشكل لمسه ماشوفتوش لحد دلوقتي..
عندي قويا من المرايات والزحمة..
مما لا شك فيه..
هذا الديوان ليس إلا عصارة 3 شهور من الإكتئاب المستمر..
يُنصح بقرائه في قطار..
أو جنب أي شباك عربية مسافرة مكان بعيد..
أهدي هذا لديوان ل أبويا اللي ما اقتنعش إني شاعر غير لما جِلّعت على روتانا..
وأمي اللي ما زالت شايقة إن العامية مش شعر..
وأختي اللي ستهجش الشعر أصلاً..
وأختي الثانية اللي بتحييني وخلص..
وأخويا اللي بيحييني جداً.. بس عمره ما قالهالي..
ولكل أصحالي اللي الشعر بالنسبالهم (وبرغم البعد الباعد عني بحبك) .
وليسيت الحسن اللي بسبها الديوان ده بيتقري حلاً ..
هذا الديوان لا يهدف لأي (Like) أو (Comment) أو (Share) ولهذا يُحفظ
بعيداً عن متناول ال (face).

محمد إبراهيم

مقدمة

أنا سبتني فوسط الطريق علشان جبان..

إيدي اللي دابت دق على كل البيبان..

الرعدة فيها وخطها السطر مال..

قاعد بضفر شعر واحدة ماشوفهاش

وأبي ف آمال..

وأكتب قصايد من وجع..

وأرميها في دُرج المُحال..

مانا أصلي عمري ماكنت بحلم أبقي حاجة

زي ما كانوا العيال..

أنا حتى عمري ما كنت بلعب كورة ف الشارع معامم..

ولا عمري حتى لعبت بيلي..

ولا كان لي جرأة أنط سور المدرسة وأجري..

الإسم : أمو شوية حُرُوف..

السين : مش فاكِر قوي..

الحالة : راضي بحالي وبقدري..

طَلَب ساعات.. لكن !!

ساعات شرير قوي ..

أنا مش لاقيلي أي وصف..

ومش عارفاي أي حال..

حببت كثير.. وعرفت بنت وغيرها..

واتحبيت ساعات ..

يمكن زمان أنا كنت لخمه..

بس ناو..

ما بقتش خيبة مع البنات..

الضلمة لها جزء فيا..

وليا فيها كلام كثير..

وأعشق عتاب النفس في المرايات..

وأعشق كمان " أنغام قوي " ..

تقدر تقول ال Memory Card بتاعي صوتها

بيجري فيه..

والباقي..!!

عادي " مش مهم " ..

وبحب " فيروز " من زمان..

صوتها أساسا فيه مُسَكِّن للألم..

أما " نزار " !!

فده قصة تانية كبيرة بعدين تتحكي..

كل حرف ما بين حروفي هتشوفوه..

وأحب أقول..

ضيعت وقت كثير قوي في مسلسلات كرتون زمان..

وأحب أشكر قدوتي (سنفور كسول)..

مانا أصلي أكسل حد ممكن تعرفوه

وأخص بالذكر الصديق (مايكل)

يعني اللي مستحلمي مهما عملت فيه..

وشريط (تهني معاك) عشان..

أول شريط كنت أشتريه..

ما انساك كمان..

البيت بتاعنا في البلد وأيام زمان..

و الفيفا أون ما ابتديت.. إني أمير ..

شكل الزلير في الدراع..

وعمنا أحمد نجم وقصيدة البتاع..

في كلام كثير..

قصتنا لسه مكمله جوا الديوان..

فإستنوا يمكن تعرفوا!!

رسائل م. السما السابعة

(١)

الجو يشبه حضنها دافي ..

وعيونها بتمطر بكاء الأرض ..

كان جسدي أبرد من ولد حافي ..

نايم على ف حضن الجوع ووجع البرد ..

أقول مالك فتردش ..

وتبكي بشكل مستيري ..

تفضض باللي فما ل مين ..

ولها مين هنا غيري ؟! ..

حبيبي جاوبي متعاندش ..

وقولي ان شأته حتى مفيش ..

من كتر خوفي حضنتها ..

وكإني بحضن ف الهوا ..

ولقيتني ميت وقتها ..

ولقيتنا أصلا مش سوا!!!!

(٢)

الكاميرا بتتحرك بشو يش ..

حولين إثنين ف حوار داير

الباب متوارب وستارة بتتحرك زي الموج بهدوء

الهنث بتبكي بشكل غريب ..

والكاميرا بتاخذ زوم من فوق..

على وش الولد اللي بينطق ويقول إشتاقت..

كان عمري بإيد البُعد جريح وبينزف وقت

البنيت بتهدى عشان تسمع ..

وإدعها من الربةكة فرعشة ..

وكلامها بيطلع بصعوبة ..

كانت م الصدمة ف غيبوبة

مش قادرة تكمل باقي الفيلم

مش عارفه تقوله إزاي أصلا ..

إنها ماتت وبإنه ف حلم

(٣)

القطر إتاخرليه يا صديق ..

إركب لوجه وانا جي وراك ..

أنا مش منقول من غير حضنك ..

سلم ولحد ما نتقابل ..

أنا هفضل فاكر كل كلام ..

إتقال بالنص وهحفظ صم ..

تفاصيلك بعد ما نتودع ..

بالموت اللي بي فرض نفسه ..

على أي إثنين روحهم واحدة ..

أنا نفسي أنسى شويه الماضي ..

لكن ماإنساش إنك صاحبي ! ..

القطر إموحه .. والقطر الموت ..

وانا قطري مجاش ف ركبت إنت ..

مش عارف راح أجيلك إمتى ! ..

لكن صديقي أنا مش هقدر

أتاخر أكثر م اللازم ..

فإسبقي وسليم على حازم

واتريق على كرشه شوية ..

وعلى تخنه ولبسه ومقاساته ..

وإتأسف لحسين ميت مرة ..

علشان ملحقش يوم موته ..

أوصل من كليرو عشان ألحق ..

أديله الحضن اللي إتعودت ..

أديه لأصحاب قبلكوا ماتوا

(4)

انا حبيت معايا اللي طلبته ..

أعملك شاي ..

ماتقوم نزل ..

لساك بتكجح ؟! ..

أنا لسه مفوقتش من موتك ..

أنا عايش صبح ؟! ..

بص من الآخر يا معلم ..

لو شفت هناك خالي ف قوله ..

إني مبطلتش أكون شبهه ..
وإني مبطلتش تدخين
وإني أنا بنزل م البيت لسه ..
معرفش أنا أصلاً رايح فين ..
وإديله الخُضن اللي أنا سبته ..
وياك يوم م إنت مشيت ..
هكتبك ورقة عشان متجيش ..
ف الحلم الجي تقولي نسيت!

(5)

أنا اللي فضلت متبقي ..
ف محفظتك .. يدوب صورة ..
وساعه ف عيد ميلاد جاتلك ..
وضحكك ف صورة مع _ نادر ..
وكام ذكرى لحضن أخذته ف السلامات ..
وكام " مالك " ؟ ..
يا واد فضفض ..
وأقول معلش مش قادر ..
انا " وصلني " آخر الليل ..
_ وهاتلي معاك _ ..
أنا اللي فضلت بعد ما مت ..
يستناك ..
انا اللي اتبقى ف جيوبك

جنيه فكه ف جبت لبان ..
انا الواد اللي قولت عليه
ده واد غلبان ..
وقفت ف ضهره ف خناقه
وشلته كتير عى كتافك ..
عشان رجليه مساعدتهوش
يكمل خطوتين للبيت ..
قالولي مت مَبِكْتِشي ..
فجأة وحشتي .. فبكيت!

(6)

مساء الخير .. يا عم الميت الزعلان ..
جاييلك LM أحمر ..
وشيبسي شطة حجم كبير ..
وجايب أكل للعصافير ..
منوشنيش ..
عليك إنت العشا والشاي ..
وبالنسبه ل ثمن اللب ..
فستته جنب كيس العيش ..
فيه عليّة تونه مركونه ..
نشتحبها ..
بسرعه عشان هموت م الجوع
مقولنا بلاش هزار بالإيد ..

عشان كتفي اليمين مخلوع ..

ومتكترش ملح القول ..

عشان بتعب من المالح ..

وهتلاقي كمان عندك ..

طبق سلطة من امبارح ..

موبايلي هسيبه في الشاحن ..

وهاخد دُش في الإيجاز ..

في خد بالك من الحاجة اللي ع البوتاجاز ..

بلاش تسرح مع زميلتك على التليفون ..

عشان مش طالبه أتعشى بعيش محروق ..

مساء الخير يا عم الميت الزعلان

وسايب صاحبك النكدى وقاعد فوق!

(7)

أنا وانت في نفس الدكة ..

وأنا كنت أقعد ع الصرف ..

ومكونتش أوسع سكة ..

ليك وانت معدي تسلم ..

كراريس الماده اللي إحنا معملناش لها الواجب ..

كنا بنتقاسم دايمًا في الأكل بتاعي

و أقولك متاكلش إن كان مش عاجب ..

أنا كنت بغلس قاصد .. من كتر ما كنت بعزك ..

وتقولي يا واد مزاكرتش ..

وأنا أقول عادي ولا بهزك ..

منعدي وهنرشمها ..

والحيطة دي بكرة هتبقى ملكيانه بمنهج ثانوي ..

بس إنت إفردها شوية ..

وهننحج بس إنت إني ا ..

دانا ليا معاك كذا صورة ..

وأنا وانت بنلعب كورة ..

وبرغم إن أنا أهلاوي متعصب

كنت بجاملك ويقولك عادي يا سيدي

والدوري ميبقى بتاعكوا ..

والدوري بيبقى بتاعنا ..

وأديك يوم لما اتشרכת ..

وانت هناك بتشيكلي ..

علشان أطلع ع السور ..

وأما أنا كنت ببات عندك ..

وأتريق لجل إن إنت بتحب تنام في النور ..

وقفشنا في آخر مرة ..

على حاجة مهبش مستاهلة ..

وأنا لو فكرت ل وهلة ..

أنا كنت هعيد حساباتي ..

وهقولك أسف وقتي ..

لكن أنا أسفي إتأجل ..

وأديك ميت دلوقتي!!!!

أول كل حاجة

زي أول كل حاجة ..
زي أول مره أجيلك 6 فبراير معاد ..
زي أول مره أعيط ..
لما يضربني البعاد ..
زي أول مره أرجع ألقى
جدي مات ف أوضته ..
زي أول مره أهيا كتب لأمي جواب بخطه ..
زي أول مره أضيع شنطلي وكتبي وحاجاتي ..
زي أول علقه سخنة
خدتها علشان فالاتي ..
زي أسئلتي البرينة .. ليه مشوفتش ربنا ؟! ..
زي واجب درس كيميا ..
غبت فيه طول السنة ..
زي أول مره أشوف إسعي على موبايك " حبيبي " ..
زي أول ميت جنيه ف مرتبي
بتخش جيبي ..
زي أول حُضن صامت ..
الكلام كان فيه عياط ..
زي صداقتنا العادية ..
لما قلبت بإرتباط ..

زي أول مرة شوفتك ..
بوست إيدك دون ما تدري ..
زي أول مرة بكتب
وإنتي أول مره تقري ..
زي أول مرة أبويا يشوفي وانا بشرب سيجارة ..
زي قفشك كل مره ..
لما أقول أنا إسم " ساره " ..
زي حضنك لما يسرق مني دمع عنيا فرط ..
زي ما تعودت أنسى
وفجأة على سهوة إفتكرت ..
زي ما تعودت أحبك
دون ما يبقى عندي شرط ..
زي إنك فجأة تبقى
عندي أصلا " كل حاجه "

عن رينا

كان لازمك وقت عشان تفهم ..
إنك مخلوق علشان تَسرح ..
رينا عرفوه بالعقل زمان ..
وانا باما العقل موصِّلنيش غير .. للتوهان!
وبارب انا مؤمن بوجودك ..
مش فكرة (شوف)
مانا عارف إن الهوا موجود مع إني ما شُفت!
الفكرة ف إني بحب الخوف .. لو منك خُفت ..
والدنيا دي مش لعبة قديمة ..
ولا فيلم انا شوفته ف كذا سيما ..
الدنيا دي سَلِّم رايح جاي ..
بيطلع ناس وينزل غير!
وانا لسه بجد بحب الخير ..
وبحبك حب انا مافهموش ..
ولا له تفسير غير إني ساعات ..
من قبل ما بدعيلك بحاجات ..
بلاقها ف إيدي وحصلالي ..
فالفكرة أساسا وصلالي ..
من غير فلان يقنعني بشيء ..

وإن كنت بعيد فالبعد عشان..

أنا بتعب كل اما امشي طريق..

والدنيا بتسحب إيدي كثير..

واتشد لتحت..

وانا عارف إنك موجود..

من أول مرة يارب سرحتا

عشر إبليس

أحداث بتدور .. وانا وانتي وليل ..

بيطول على طول علشان غايبة ..

بردان بينام ف كفوف الخوف ..

متشعلق ف حبالها الدايرة ..

مكسور نصين بيحبوكي ..

متساب ف دروجك للذكرى ..

من كتر ما بيعيش ف إمبارح ..

بقى رافض حتى يشوف بكره ..

ضميني إن كنتي مفارقاني ..

وسبيني ف حضنك بدموعي ..

وان بليت قلبك كام دمعة ..

حنيلي إن كان نفسك فيا ..

ما خلاص قصتنا بتتحول ..

لحوارف الفيلم وأغنية ..

وأهو خلص الفيلم اللي كتبتة ..

على عكس ماكنت أنا بتمنى..

مانا كنت ف حُك مالأول ..

إبليس متعشّم ف الجنه!

عن الناس

في ناس بتعلقك بها.
ويتسيبك عشان مَلَيْت..
وناس ف الماضي حبيتا..
وناس بمشاعرك اتسلت..
وناس ف عنيك قيمته تزيد.. وناس قُت..
وناس غيرهم تسبب إيدهم ف كل طريق..
وناس تحلم بأي صديق..
وناس لو شفتها تفر..
وناس غيرها تجيبلك ضيق..
وناس مهما تكبرها..
تصغر فيك..
وناس غاويه كلام فاضي
ورغي عليك..
وناس تتمنى تبقى معاك
وناس مش ليك..
وناس غير ناس..
وهتقابل وراح تعرب..
وراح تقوى مع الأيام..
وراح تضعف..

وراح تعالى.. وراح تنداس..

مادام انت من الأول..

رضيت تبقى مابين الناس!

خدت الدوا

خدت الدوا ؟! .. منستش ليه ..

طعمك بكا .. انا طعني إيه ؟! ..

محناش سوا .. طب ويا مين ؟! ..

لونك زعل .. لوني إكتئاب ..

والوقت داب ..

تلج ف كامسات ..

مات اللي مات .. عاش اللي عاش ..

خدت الدوا ومخدهاش ..

ف فضلت عايش بالمرض ! ..

يارب انا مش مُعترض ..

ولا حتى غاوي أسألك عن شئ حصل ..

عن بوسه مليانه بندم ..

عن حضن انا مدخلهوش ..

خدت الدوا ومخدهوش ! ..

فيقيت كده ..

زي الحياة ريشة ف هوا ! ..

ملهاش دوا .. خدت الدوا ؟! ..

كان طعمه مُر ..

أنا كنت أصغر من كده ..

وكبرت ليه ؟! .. وفضلي ليه ؟! ..

غير ماضي مافارقليش وريد ..

استنوا صدقة قبياء تجمعهم بشئ ..

لسام مجاش ..

ورقدوا واقع مفترض ..

خلت السوا ومخيلهاش ..

ف فعلت عايش بالمرض ..

التاج يشبه طعم إيتك ف الوداع ..

ودعت مون ؟ ..

ودعت واحدة قبايات وحيدة وخوف وفر ..

معلم حكايانا الجميله بنتري ..

" روح أنت حر "

لحظة ما كل هنية جاني يلتعر ..

أو تنفي للبح قينسي الجين - ودعيا ؟ ..

ودعت مون ؟ ..

ودعت واحدة تشبه أوي ا بيتنا القديم ..

نفس الدقا ..

نفس اللي كان ف السمومات من ذكريات ..

مالي الجارده ؟ ..

الجو يزد فجأة ليه ..

مع إيه لسه ف حضيا ..

مع إني لسه مسيلهاش ..

ويحيا من غير غرض ..

خذت النوا ومخيلهاش ..

ف قضات عايش بالمرضا ..

رحلتك وطن .. ما تقري ..

انا فيها غيرة تنكي ميت مليون شريد ..

حلمي ف خاية الدين - لارب ..

كله تقري كل شئ - والسعوه إيه ؟ ..

غير حيل بوي ووين إرادة ربنا ..

واللي أراه راح يكون ..

انا لسه عيل رغم إني سمات كثير ..

توقفي تلاقي عجز ..

موقش يعرف أي شئ ..

موقش يعرف حق أعوز ..

من أي يعرف يا حبيبي انا عايز إيه ؟ ..

لسه الصمان رسناكي هال ..

بلد أمل ..

يمكن تقودي ف يوم - هامين ..

وضموا بيكي ..

لا يبقى حتمي نيل ا ..

كان شئ جميل .. لكن خالص ..

لجود ان كان جميل ..

كل اللي كبروا ع الصمان ..

أسماء بنات .. ساروا عشيم ف اللقا ..

يملأ الشوارع بالعتين ..

كل اللي وقفوا بالأساعات ف اللكرات ..

إستنوا مون ؟ ..

عني ك انسان

عن كلمة (عن) الي بقولها..
 من فتره طويله بقالي كثير..
 عن سر حكيته ل كذا صاحب..
 عن سر داريته لأنه كبير..
 عن كلمة (ممکن نبقي صحاب؟)..
 عن كلمة (بظروفها نسيها)..
 عن كدبة ضميري مأنيش..
 وانا جاي على قلبك بكدها..
 عن كلمة (أنا عايزاك جنبي)..
 وعن كلمة (أنا مشغول دلوقت)..
 عن غيرتك م البيدج بتاعتي..
 علشان بتشاركك فيا الوقت!
 عن ناس معرفهاش سألتني..
 أنا ليه زعلان دايمًا وكئييب!
 عن ردي كثير بـ (مفيش حاجة)..
 عن ناس شايفينك بالفطرة..
 إنسان متقلب وغريب..
 عن Can الكوكا المتخفق..
 مع طبق الفول ف التلاجة..

عن طعم رغيف العيش لَمَّا..
يحضن تحت الجبنة الرومي..
عن حيرتي انا هليس إيه بكرة..
عن إختي اللي بتكوي هدومي..
عن نومك زعلانه إمبرج..
علشان جات سيرة حب قديم..
عن وردة وصوت فيروز وحليم..
عن طعم الشعرية بسكر..
عن شكلي زمان قبل اما أكبر..
عن لعب الشايب ف المصيف..
عن لعب الكوره ورا الجامع..
عن كلمة : (عيدي، انا مش سامع)
لما الشبكه تقطع صوتك..
عن كرهى لكلمة " لا " منك..
عن فهي ل عينك ف سكوتك..
عن بكرة اللي تملي بيسأل..
أنا هكتب إيه ؟
عن حيي الزايد للماضي اللي انا عشته زمان..
عن كلمة (الناس بتحبك)..
طب حيّوك ليه ؟
مش عايز اتحب عشان شاعر..

أنا عايز أتحب عشان
(إنسان).

سين سؤال

ريحتك مطر ..
 حضنك يشبه مصروقت ما يتندي ..
 يغسل شوارعها الندى ..
 هو انتي ليه دايم كده ؟ ..
 بتقري وبتبعدي ..
 وبتسندي على حجة الخوف م اللي جي ..
 عشان نفارق بعضنا ؟ ..
 هو انتي ليه دايم قراك بُعدنا ؟ ..
 مبقتش قادر أصدقك ..
 مبقتش حمل الإشتياق -
 أنا كنت خايف أعشقك ..
 دلوقتي مرعوب م الفراق ..
 قريتي ليه ..
 لما انتي ناوية تاخدي جنب ؟ ..
 وبعديتي ليه ..
 وإزاي مبتحسبش بذنب ؟ ..
 مبقتش عارف أي حاجة مُحددة ..
 هو إنتي ليه على طول كده !!!
 هو إنتي ليه دايم كده ؟ ..
 صَدَّاني وقت الإحتياج ..

دعاء 1

أستغفر الله العظيم..
 يارب أنا بسمع حليم..
 أنا من تراب..
 الدنيا زي الموج تشد ..
 ف تروح ما تلقى غير سراب ..
 والدين و خانة قلبي سطر ..
 والعمر نطر ..
 لكن وقب
 معرفش بكبر ولا بصغر ولا إيه ..
 معرفش حتى منين أروحك سكتك
 م أنا لمه عيني الضيقة
 مش شايقة واسع رحمتك ..
 من كل بنت إديها نامت جواً إيدي ف الشتا ..
 من كل ضحكته ميتة ..
 طلعت كده ..
 علشان تبان ف الكادر ذكرى كويسة ..
 من كل نطة سور وحصه غبتها
 من دوس روحته ومدرسة ..
 من كل مرة فيها صوتي
 عدى صوت أُمي ف مناهدة ..

ضيماني أوقات الملل ..
 لمسه اللي بينا بيتولد ..
 فمقتلش فيه الأمل ..
 أنا لمسه ليا ف سكتك
 كام خطوة ناويين يكملو ..
 أنا لمسه ف إديكي وقولي ..
 إيه بس بإديا أعمله ..
 أنا قولت مره ف وقت ماصارحك بإني ..
 نفسي اكونك عمر جي بيتكتبك ..
 متخلنيش أندم عشان قريتي مي ..
 وإوعاكي تبقي زي هما ماكانوا قبلك

من كل مره جدتي

قاطعتنا فيها بكلمة _ إهدى _

من كل مره جبت ورد ل بنت أو بصيتها ..

من كل .. SMS في يوم وصلتها

من كل حاجه بجهل مني وقصد

روحت عملتها ..

قررت أول مرة أسيب وأبدأ أغيب ..

مش عيب أسيب

شيئ خدني منك للحياه ..

بس إني أسيتك

هوا ده اللي يارب عيب ..

قررت آخذ من حياتي

ومن سنيني ومن حنيني

ومن روتيني فجأة جنب ..

أستغفر الله العظيم من كل ذنب

عن أبويا

ومن صغري يقولوا عيا

(نسخه مصغرة منك).. وكريوني..

وصورة طبق أصل وشكل..

نحب الكورة والأهلي..

نحب أنا وإنت نفس الأكل..

ونسلمع ورده وأصالة..

تشيلني لحد باب أوضي.. برغم إني..

آخذني النوم على الكنبه اللي في الصالة..

فاكرلك كل حاجه عشان..

متكلمش الحياه بغيرك..

وبوستك وإنت عندك برد..

غديتي نمت في سريرك..

عتابك ليا ع التأخير..

وع التقصير..

وع الشيشه..

كلامك ليا عن غيرنا..

وناس بيعانوا في العيشة..

عراق..

سرقنا سنين عمرك..

عشان تعرف تجيب شقه..

دوا جبته ف يوم ماتعبت

بآخر قرش إتبقى!

كثير تفاصيل بتجمعنا..

وتضحيات وبيت وكيان..

حاجات صدقني ساعدتني..

من الآخر..

أكون إنسان!

عن أمي

خبطنين ع الباب ف (إدخل)..

إيه قَلَقْتِك؟..

كُنْتُ صاحبة..

ما تقولي لي يا أمي طيب

بُكره جي من أنني ناحية؟؟

كل شئ عوزته ما جالي

واشتغلت ف غير مجالي..

كل حاجة جريت وراها

شوفنها ف إيد حد غيري ..

كل حاجة بكون عايزها..

ماشية دايم عكس سيري ..

حتى لو ع الحلم خطوة

بينتني قبل أما أطوله ..

بصي مش عايز أضايقك

بالي جاي علشان أقوله ..

إنمي حتى انا قولت إيه ..

نامي سيبك مني خالص

كل واحد فيه اللي فيه!

اسكندرية ليه

أول سلامكوا بالإيدين ..

كان فيه غرابة ولخبطة وكلام ناسيه

كانت إديك تلجاية دابيه ف كفتها ..

حضنت إديك بإدتها فجأ' كإنها ..

صعبان عليها اللي انت فيه

برفانها يومها ساب هدومها ..

وساب أثرف قميصك البني القماش ..

ف حضن كان من غير نقاش ..

وجه اعتراضها ع البكا

قدامها كان إن البكا مهمناش ..

ليه نيكى على شئ م اللي فات ..

الحب أصلاً طول ما هوّا حبنا

يعمل ألوف المعجزات ..

أنا كنت غلطان ف حساباتي

وكنت يمكن مش ف وعي وقتها ..

كلمتي بس وقولي إيه اللي مسكتك ..

صوتك ماليه ليه الزعل ؟!

وبيرتعش

وكانه عيل من عيال الشارع الفاضي الحزين

ليه ف ديسمبر والمطر علو الرصيف ..

إسكندرية المؤلة

من غير حبيبي الملهمة ..

يا بحر مبيدش دوا

غير للي جاينلك سوا ..

واللي يجيلك دون حبيته ترجعه ..

بجرح أكبر م اللي كان جاي يداويه ؟

إسكندرية تاني ليه ..

إسكندرية حلوه آه ..

لكن بدونك زها ..

زي المداين كلها ..

الحزن كان طبع الشوارع والبيوت والأمكنة ..

والناس هناك وأنا مش هنا ..

والخوف حضّتي حُضن جامد ..

ضميني .. مقدرش أطمئن أنا مقدرش ..

انا لسه أضعف م الإزاز ..

حاسبي ف يوم تتعوري ..

أو تكسري فيا اللي لسه منكسرش ..

إسكندرية مكشرة والليل زحام ..

طعم السرير ساقع رخام ..

ضميني أكثر من كده .. أنا نفسي أنا ..

أنا لسه خايف من يناير يبتدي ..

أنا لسه مرعوب م الشتاء ..

والمطرة من غيرك وجع

والمشي من غيرك بُكا ..

لو كنني " موته "

انا لسه غاوي الإرتماء ف التهلكة ..

ضميني أكثر وإشبعي

من كى ضلع بتحضينه ..

إسكندرية تاني ؟! ..

آه .. ومتسألش أنا روحك ليه ؟!

بتحبيني ؟! .. قد الحياة ..

آخر سوية ذكريات باقين ف جيب المحفظة ..

إنني لقصيدة المعجزة ..

أنا كت باب مقفول بقفل ..

فاتت عنيني ف سكتي إتحوّلت طفل ..

النجمة نزلت م السما ..

علشان تضفر شعرك السائل لياالي ..

يابنت قايلة ونايمة فيا ..

وساكنة كل حواراي بالي ..

لمست إيديكي ملامعي فجأة ..

رجعتها صُغيرة ..

قلبي اللي كان فاكر كثير ..

معاني فقد الذاكرة ..

بطل يشيل غيرك هنا ..

بطل يخش حد فيه ..

إسكندرية تاني آه ..

ومتسألش أنا روحك ليه ؟

عن حبيبتي

يسألونك عن (حبيبتك)..

قل هيا كل الحاجات..

قل بتعرف تحتويني ..

لما يبقى الليل طويل..

قل جميلة بشكل خلّى..

كل شيء متشاف جميل..

قل برينه بشكل واضح..

للعيون لو بصوا لها..

قل بتعرف تبقى ضلمة..

ترسم الخيالات عليها..

ثم أسكت

ثم جاوب

قول عاشقها من سكات!

قميص يوسف

تميل ما تملّ ..
تقول ف تقلّ ..
وتفضل ضلّ ع الحيلة ..
وصمت ف منتهى الزينة ..
وتفضل ضحكة مكتوبة
وتسمع فجأة " مهزومة " ..
فتسأل كل يُكره إتعاش
حبيبك فين ؟! ..
حبيبك رايحة مش جاية ..
ويكره الحي ليل سادة ..
ونجمه بلمعة دبلانة ..
ودبلة ف درج متعانة ..
وكام ذكرى ف بال مشبول ..
وصمت موبايك المقفيل ..
وتقليبك ف دواليبك عى هدية جابهاك ..
ورد تملي يبقى مفيش ..
على مليون سؤال _ ملك _ ؟! ..
وخوف لا الخوف يزيد جواك ..
وقهوة وسندة ع الشبك ..
وطعم الإنتظار علقم ..
وطعم الدنيا من طعمه ..

ودرب الفرقة كان سالك
 ودرب الحب مش سالك ..
 بحبك دي هقولها لمن ..
 وانا إتعودت أقولهاك
 هجيب النجمه بكرة لمن
 وانا على طول بجيبها لك ..
 وليه أصبحت وقت البعد مش قادر ..
 ووقت القرب مش قادر
 لقيتك سكة ف مشيتك ..
 ومطلبتش أشوف آخر ..
 كفرت ساعتها بالنهايات ..
 وقولت أسيبني متغعي ..
 وسبتك تسكني دمي ..
 ساعتها مكنش شيء فارق
 لقيتك يومها باب مقفول ..
 رجعت أبدأ من الأول ..
 وكان ليه بس م الأول ..
 أروح لما إحنا ف الآخر ..
 هنتفارق هنتفارق ..
 بعيد مأساة قميص يوسف ..
 وأجيب اللوم على الدنيا ..
 وانا الغلطان ..
 سواء قبلك سواء بعدك ..

بنام زعلان بنام زعلان ..
 بطفي انور ..
 وألف وأدور ف دايرة رسمها تفكيرى ..
 وأخاف جدا ف يوم عيى
 تشوفك ماشيه مع غيرى ! ..
 لأغير على حاجة مش ليا
 حبيبة إايحة مش جاية ..

عم ابراهيم

إحكي لي شوية عن الماضي ..

كلمني عن الدنيا زمان

كلمني عن الناس أبامكوا

إيه اللي إتغير ف الأيام

من كام سنه كده مش فاكركام

تقريباً فترة " إعدادي "

أنا كنت بنام بالليل عادي

مش خايف إني أموت م الجوع

مش شايل غيرهم الواجب

والإمحتانات ..

والبنت اللي ف درس العربي

وبشوفها يومين ف الأسبوع

تقريباً برده " إثنين وتلات "

والواد محمود

علشان صاحبي

وينلعب كوره ف نفس التيم

والواد مايكل

علشان كان صاحبي الأتيم ..

على كام أغنية وفيلم قديم

عن صحابي

وكم كُنَّا أنا وهُما..
 بملعب كورة في الشارع..
 ونتخانق على الـ "هايفه"..
 وتتصالح يدوب بكرة..
 وينطش دروس كيميا..
 وينزوع من الأجرة..
 وينولع صوابع بعض لو نايمين
 في شقة فيها بنصيف..
 على الكوتشينه نتراهن..
 وبالقهوة بنتكيف!
 ونضحك ضحك صوته العالي فيه رنة..
 ويصيح بعدها جيرانا..
 ويبعي حد يشتمنا..
 يقول حبة شباب طايش..
 ونضحك بعدها أكثر..
 ونتمسلطن ونتشاق..
 ودلوقتي.. في صدفة عابرة
 نتلاق..
 ونتكلم عن الأيام..

على حبة خوف

من نطة سور

على حب سنين

إتنسى في شهور

وأهو كله إتفرق عن كله

وبقيت في مكان ..

والناس في مكان

وما بينا بعد

ولا عدت بشوف محمود حتى

وأهو مايكل يمكن أحيانا

يبعتلي رسائل في الأعياد

والهنت خلاص جالها نصيها

واتخطبت قبل ماخلص جيش

وصحاب تانين سافروا لبره

علشان القرش وأكل العيش ..

وانا أهو متجوز ومخلف

عندي محمد رينا يحميه

وفي آخر سنه في الأعدادي

يحسده على راحة البال جدا

يحسده علشان بينام عادي

زمان قبل الجواز والبيت..

وقبل الشغل ومشاكله..

عن الماضي اللي مش راح ننسى يوم شكله..

عن الدنيا اللي شاغلانا بدون أسباب..

عن الود اللي كان بيننا

زمان وقت أما كنّا صحاب.

آسف يارب

الشمس لسه مفتّحه ..

بتبص للشباك بخوف ..

أحلام جديده بتتولد

وتدوسها رجلين الظروف ..

شكلي اللي ف البروايز بقى

حبة صور متعلقة ..

ياقة قميصي ووحدتي ..

تجاعيد حيطان متشققة ..

وجروح ف روعي معلّمة ..

معرفش ليه الوقت ساب ..

إيدي ف سكة مضلّمة ..

عمري جري وجريت وراه ..

ف طريق مكنش بينتهي

فيه الوجع بيحجب وجع

والمشكلة تجيب مشكله ..

يارب ليه آسف يارب ..

من إمتى كان لي أسئلة ؟!

كل البشر قصاقيص ورق وإزاز وطوب ..

وكلام كتير وشوش ولف ..

كام جرح ساب جواك ندوب ؟!

عن الشعر

بتكتب شعرليه ما تقول؟!
سكوت هنصوّر الدنيا..
ف فيلم إتشاف لناس قبلك..
يكون كل اللي سابك فيه..
فيه غيره جاي بيقابلك..
يكون كل اللي ساب إيدك..
فيه سايب زيه بيسيبلك!
بتكتب شعرليه ما تقول..
ومين غيرك بيكتبلك..
سكوت هنصوّر الأيام..
ف خلف خلاف بشر بتخاف
تدوس على نفسها وترمي..
سنيها الفايطة من آخر سما ف الكون..
على الأرض اللي من واقع ملوش مدلول!
بتكتب شعرليه وان كنت..
بتكتب شعر طيب قول!

كام جرح خف ..
كل الصباح حبة صور ..
كل الصور .. حبة سنين .. متبعتره ف ألبوم قديم ..
بتعيش مجرد نص حد ..
بتقابلله صدقه يكملك ..
يارب ليه ؟! .. آسف يارب ..
من إمق أصلاً بسالك ؟!

عن يوسفي

أحيانا..
 بدخل باب بيتنا..
 على أوضتي مقولش مساء الخير..
 للناس القاعدين ف الصالة..
 ليه دايما بلاقيني أتهد..
 أول مـ " انا حَك " لـ " أصالة "..
 تبدأ ف Playlist أغاني..
 حطبتها وسبتها شغالة..
 أنا عمري ما كنت بقول حاجة..
 إتقالي عليها دي سير كبير..
 مع إني ماحبتكيش خالص..
 أنا كنت بغير..
 من غير أسباب واضحة كفاية..
 أنا دايما عاشق للماضي..
 أنا سبت عنيا لـ كوباية..
 وسرحت مع النص الفاضي..
 مايفتش بشوف أبعد منك..
 كان ممكن أبعد بإرادتي
 بس مفضلتيش أبقي صريح..

Mug Matix

وقع.. إنكسر المِخْ بتاعي..
 اندلق الشاي..
 قاعد اجل معادلة عمري.. واجل ازاى!
 خدت الجَذر.. لأيام فرحي.. ساويتها بصفر..
 واهي مَجْموعة الخل ل عُمري..
 طلعت فاي..
 بعمل مسقط رأسي.. ويرسم
 تجميع يطرح يَضرب بقسم!
 وأرجع أُنك الجذر وأرتع..
 لما نتوه ف دواير الدنيا..
 واما الثانية تجرّ الثانية..
 وأما الكدبة بتبدأ تَوسّع..
 لما اندلق الشاي على رجلي..
 رجلي اتحرقت..
 حتى سنين العُمر الجاية..
 زي بقية عُمري..
 اتسرقت..
 حاجة وضاعت.. فرقت جداً..
 حاجه إنكسرت.. بس ما فرقيت!

وفضلت ف إيدك للأخر..

علشان ترميني ف آخر الدور..
 واطلع مكسور بدموع تماسيح..
 جات منك زي ما كنت بعوز..
 علشان مش بعرف أبات جارج..
 لكن مكديش عليك ساعات..
 مع نفسي بفكر في امبارح.

ويطرح العُمرين من بعض..

ينتج.. عُمر جديد.. بالسالب..

ويا بخت اللي ييات مغلوب..

وأنا عمري.. ما ببيت غالب..

ضاع العُمر ف حسبة غريبة..

وهو المطلوب اثباته..

إنك مهما تعيش ف الدنيا..

عُمرك يوم ما تقش بشايب!

عن طفولتي

من زمان أنا كنت عيل..

عُمره ما يفرح بلمه..

وكنت ف الكُتّاب يدوبك..

بقراً لسه ف جزء عم..

كنت وقت الفجر أصلي..

ف زاويه جنب البيت بتاعي..

وكنت بفرح بس بزعل

بدون ما يبقى لحزني داعي..

كنت عيل مش ف وعي..

بس كان القلب واعى..

كنت بمشي ف كل حنة..

وكنت غاوي أرض طوب..

كنت ببني حلم أبيض..

لسه خالي من الذنوب..

جدي عاش لي أربع سنين..

عرفت فهم بس شكله..

أبويا كنفه ف كتفي دايم..

بس مبحلش مشاكله..

كنت أضعف من ف عيالي..

وكننت أشقى عيال شارعنا..
كننت لبلب ف القراية..
وكننت جون التيم بتاعنا..
كننت غاوي أحب بس..
عمري ما أنحببت ساعتها..
كل بنت أحب فيها
تشوفتي واحد من اخواتها!
فأخذ الصدمة وأدور
يومها ع الصدمة الجديدة..
صرفت كل اللي ف مشاعري..
وقلبي أصبح ع الجديدة..
لما عدى الوقت بيا..
وبنت جات قالت بحبك..
ملتقتش ف قلبي رغبة
لأي حب جديد وشوق..
كننت بعشق شاي يوماتي..
بشربه مع ستي فوق..
إلا ناس ماتت وسابت..
قلبي متعلق بماضي..
بس مضطّر إني أكمل
عمري لو مش كننت راضي!

ب قلب خد ع الإكتئاب..
كل حاجه زمانى خدها
مني جابلي حاجة أحسن..
إلا ناس حبيبتها جداً..
أصبحوا تحت التراب.

قابل للكسر

واقف في الأوضه وقلقان
وهتليس إيه..
في دولاب الدنيا المليانة..
ودولاب العمر الملبان
وملامحك زيك دبلانة..
وهديمك كُلهَا أحزان ..
تركيبة خامتك في الدنيا
قابل للكسر بأنواعه..
بمعدل ثابت في الثانية..
بتموت م الحزن وأوجاعه.
وتعيش محبوبس في الكرتونة
مع كل كاساتها المرگونه..
أو كاس من ضمن اللي اتباعوا.

علبة ألوان

كان عندي زيان.. علبة ألوان..

بس ملونتش ولا صورة..

ومكنتش باكي إطلاقاً

ع السنه دي علشان مكسورة..

كان عندي حيوب جوا الجاكت..

ومشلتش فيها فلوس خالص..

علشان ممعيش..

وإن حتى معايا مبيكفّيش

غير حتى إزازه كوكاكولا..

بشرها ويعطش من تاني..

أنا كُنت ساعتها ف سنة أولى..

وكنت أقعد في الدُرج الثاني.

وعشان الصف بتاعي يمين.

كان نور الشمس يزغلل نص السّورة..

أول ما كبرت بدأت أفهم..

إن الميت من راح يرجع..

عُطّلت كتير علشان جدي.

وفضلت كتير برده بدّمع..

على صاحب كان واقف جي

فلوماستر أبيض

لو قلبك كان متحير
بين حاجة وحاجة كمان..
إعرف إنك في الدنيا
لون من ضمن الألوان..
يختارك حد يرسم..
يا بتفضل جوا اللعبة..
يا تعيش فلوماستر أبيض..
ملوش في اللعبة مكان..
يا تعيش إسود بيحدد..
يا تعيش شفاف متردد..
خايف لو إنه يبان..
يا تعيش أخضر متفائل..
أو أزرق غامق عاقل..
بيدل على الإنسان..
أنا لون الرمش في رسمه..
لعيون كام بنت جميلة..
اللوحة بتأخذ عمري..
وارجع وأبيعها في ليلة..
مانا زي المية ولوني..

وساندني وماسك في إديا..
قام يجري في خبطته عربية..
وقت ما كنا بنلعب كوره..
عشت كل سنين حياتي أبيض وإسود..
كل حاجة كنت أقرب منها تبعد..
مش فارق شكلي لدلوقي
من شكل زمان..
ما أنا لسه أساسا مفهمتش
معنى الألوان.

شفاف مايل للزرقة..
واعكس ألوان مش فارقة..
باهت وقليل الحيلة..

هو

أنا أكثر حاجه بتكرر..
أنا أكثر وقت مبيعديش!
أنا عقل وُكُل مابيفكر..
بيموت أكثر ما يعيش..
أنا وش محدش يوم شافوا..
أنا يوم ومقرر مايجيش..
وسؤال بيحير ف إجابته! وإجابته مفيش!
أنا كل كلام متعاد بينكوا..
أنا كل دموع جوا عينكوا..
ساكتين ف جوايا ويسكنكوا..
وتعيشوا وأعيش..
أنا وقت الليل بكتر فيكوا..
تتلموا ف أيدي وف قلوبكوا بالهل بتلّم..
أنا واحد عايش وسطيكوا..
أنا إسعي الهّم!

حيطة أمل

معلق روحه ع الشماعة جنب الباب..
وسايب باب ماضيه المر متوارب..
كعبه اللي دارف الدنيا لف وداب..
ساب للحياه الحبل ع الغارب!
ساند على حيطة أمل مايلة..
ماسك ف إيدي من زمان كلمة : زيارت..
معجون بمية صنها العفاريت..
مجنون أنا عايش بلا ليلي..
عقرب ف ساعة حيطة لدغ الوقت..
لا عرفت أنا إمتى وفين..
وازاي أنا اتعلقت..
بس المهم الحبل كان دايب..
لعب ف دور الكل فيه عواجيز..
الدنيا كازينو كبير ملووش عزيز..
كوتشينه كل ورقها كان (شايب)..
عقرب ف ساعة حيطة لدغ الوقت..
وقعت سنين العمر مقتوله..
مهما أنتهي بلا فيني ثاني بدأت..
غاوي ألف ف دايرة مقفولة..

كسرت عنيك الشمس وقت نهار..

فنزلت يومها الشارع الفاضي..

ولقيت مافيك كان بيت قديم انهار..

أطلال بواقي حجرات من الماضي..

وقعدت ع القهوة اللي مش زحمة..

رغم ان فيها كتير بشر قاعدين..

وفضلت ماسك قلبك البردان

بإيدين كمان زيه كده بارددين..

القهوة قلبت وشها ف سكنت..

وسألت مال الحظ ف الفنجان!

ولقيتني غاوي إني أعشق بنت..

غاوية تحب البُعد والنسيان!

حدث بالفعل

فلاش باك شوية !! ده إيه ده.. ده هيا..

حبيبتي القديمه بترمي السلام

بنفس العيون اللي شايلين كتد..

خطوية وجواز إرتباط وإلتزام..

ف إيد حد غيري ..

وانا مش بغير..

ببصلها بضحك ..

بتسألني مالك ..

ف بنطق تمام!

فلاش باك شوية .. ل أول كلامنا ..

بحبك ف سكنت .. وقالت بلاش .. عشان أنت أخ ..

بتنح بعيط ..

بقع وأنكسر ..

وطيخ طوخ وطيخ !

قتلت اللي بيتا ..

دفنت المشاعر.. نسيت قلبي خالص ..

بقيت فجأة شاعر بيكتب كلام!!!

عقل القلب

سابع سما سابت إيديك ف وقعت ..

ليه ربنا جابني هذا؟

ده كان سؤالي ف درس دين ..

كانت الإجابة ان اسؤال ف الأصل

كُفر ..

كل حاجة قالتلي نه

واحد مفيش من قبله صفر ..

وان الرياضه تملي وصفت

" الأبد " باللانهاية ..

واني لازم أصلي ديما

عشان يارب تكون معايا ..

واننا هنموت وبكه ..

نبقى قدامك صفوف ..

واني لازم أشوف قلبي ..

قبل ما بعنيا أشوف ..

ربنا إثبات وجوده

كان ف إني دعيت چاوبني ..

واني سبته ف كل مرة ..

وعمره مرة ف يوم ما سابني ..

واني عمري وكل عيشتي
في الحياة دي مرحلة ..
والإيمان هيكون حقيقي
لو نتج عن أسئلة ..

شُوهِد من قبل

نفس المُقابلة والابتسامة التكرارية ..
كل حاجة عايدة مشهد ..
شوفته مليون مرة فيا ..
كل حاجة هيا هيا ..
أهلاً وسهلاً حضرتك ..
مالك كده ؟! ..
إيه اللي فات فيك غَيْرك ؟؟
مَديد وفضفض باللي فيك ..
قول اللي شيلته فوق كتاف روحك كثير ..
دوشة وزحام ووجع دماغ ..
روتين مدخلي ف فراغ ..
بطلت أطول ف السجود وقت الصلاة ..
وبقيت بحل المشكلة ب مِيت مشكلة ..
بطلت حتى أسئلة ..
وسكتت وقت ما كُلّه قال ..
مش قادر أطيق
تصنيفي ضمن الزعلانيين والأغبيا ..
هرجع كويس ؟! ..
إحتمال ..

بس إنت سيجها لربنا ..
وامشي بنظام ع الأدوية ..

أولى أول

أولى أول .. درج ثاني ..
شنطة أقوى من كتافي ..
والصحاب والصبح بدري ..
والشتا أبو حضن دافي ..
لسه فاكركل حاجة ..
زي ما تكون لسه حاصلة ..
لسه أنا مستتي تيجي
ولسه نفس البنت واصله ..
وأبله فايزة لسه عايزة ..
لوحة فيها درس عربي ..
ولسه غاوي هزار أيادي ..
ولسه صاحبي غاوي ضري ..
ولسه كورتي جنب صورتي ..
ولسه ف الحوش بجري ونهج ..
لسه ليلة الامتحان
غاوي أراجع أي منهج ..
لسه حتى ستي عايشة ..
ولسه بيت عيلتي مامتش ..
لسه بحضن أبويا وأصبخ ..
بعد جون جيناه ف مامش ..

لسه غايب من دروسي ..
ولسه مش محتاج فلوسي ..
غير عشان ساير بروحه ..
لسه بشتاق للأماكن ..
جدي مات من فتره لكن ..
ف المكان موجود بروحه ..
لسه ف الايام بواق
من حنفي وإشتياقي ..
سني جارج كبرياني ..
عمري ليه عمال يطول ؟ ..
لسه أنا عيل بيكبر ..
نفسه يرجع أولى أول.

عن عيل

تقدر تتكلم عن نفسك
بالشكل اللي يخليك ترتاح
ويخلي همومك تنساك
مدد على طرف سرير روحك ..
واقطع تذكرة رايح مش جي ..
وانا جي معاك
أنا آخر درج ف زحمة فصل
وأخر سطر ف سبورة ..
أنا كنت الجون علشان الكورة محبتنيش ..
مع إن أنا حبيت الكورة !
أنا عمري ما قولت لبنت كلام
يقدر يقنعها نكون جنبي ! ..
من صغري محبتش الأحلام ..
ولا حبيت اللون البمي ..
أنا طيب جد زي ما قالوا الناس عني
وساعات الطيبه تكون لعنة !
أنا وأحمد أخويا بنتناقر ..
والبيت على طول مش بيساعنا !
أنا فاكريوم ما عنيا بكوا ..

عن الماضي

نفسي تكلمي عن الماضي
من غير ما تعيط ف النص ..
من غير ما تجيب سيرة حاجة ..
بتبكي عنك على حد عرفته وحببته
كان بيتك وانت كمان بيته ..
إداك من روحه أو إديته ..
وف نص السكه ونص الضحك ونص اليوم ..
إتسابت لوحك ف الشارع ..
فرجعت لوحك ع البيت ..
وقعدت لوحك ف الأوضة ..
والغنوة إشتغلت بالصدفة ..
فبكيت من غير أسباب واضحة ..
مش عايز أعرف أسبابك ..
ولا عايز أعرف مين سابك ..
وإن كنت بقيت للدرجادي ..
عندك من أي فراق فوبيا ..
وبدأت تخاف م الماضي بجد ..
متحبش حد ! ..
وإن غصبين عنك حبيبته ..
سطح علاقتكم لو تقدر ..

على أبو واحد صحي توفى ..
أنا فاكرك حتى رقم أوضتي ..
وفاكر أيام المستشفى ..
وهزرا الدكتور ويايا ..
وحوار دايم ببيدور بينا
تطويل أوتار جلك لازم !
علشان فيه رجل أطول ستّة ..
أنا فاكرك أول عملية
أنا فاكرك شكلي وشكل اللبس ..
والوجع الناتج بعد البنج ..
من ضغط الجبس !
والعجلة المركونة ف بيتنا ..
وتراب الزمن اللي دفنها
وأمي اللي بتحلف منزلي
وأنا بكسر دايم حلفائها !
أنا كنت بحب الشارع موت ..
مع إني مشوقتش فيه غير موت
ومكنتش ببقى هناك مبسوط ..
مع ذلك سبت طفولتي تضيع
ف القاعده هناك !

أو حبه بدون أصلاً ما يحس ..
علشان ماتجيش يوم تتكلم ..
عن ماضي وتبكي عنيك في النص

دعاء 2

لا إله إلا أنت ..
أنا كنت عيل عمر قلبه ما حب بنت ..
أول كلامهم ليا من بعد الدموع ..
كان في السبوة ..
إسمع كلام عنك كذا ..
إسمع كلام خالك فلان ..
وكبرت حبه قالولي صلي .. قولت ليه ؟! ..
قالولي تمال عليه ؟! ..
قولت مين ؟! ..
قالوا ربك ..
قبل مأسع - عمرو خالد - قلبي حيك ..
- سبحانك - ..
تسبيح من بند سلام في صلاة ..
أنا كنت بصها جماعة ..
أنا عمري ما كنت أتوقع خالص إني أعصيك ..
مش خوفا من نارك لكن ..
كان حباً فيك ..
وضعت ساعات وعملت حاجات ..
خلتني أتغير وأتحول ..
وأبقى أسوء وأسوء مالأول ..

فأنا أسف جدا صدقي ..
أنا بفرق في الدنيا إلحقني ..
يا تاخديني لفوق ..
ياتقولي إزاي ..
أتمايش وسط البني آدمين ..
إني كنت من الظالمين

مجرد حلم

ركنت كثير ..
على الحيط اللي كان مايل
وسألتني يا واد مالك
وقولت كثير منيش قايل
فقالتي ببقى كالعادة
أبوك شادد عليك حبلة
وسيبه بس لو أقابله
هاخدلك حق الضايغ يانور عيني
وكان في إديها 10 جنيه
وحلفت يومها تديني
وقولتلها معايا فلوس
معايا كثير ..
فحلفت ثاني .. مكسرتش في ثاني مرة حلفاتها
حضنت إديها بإديا وبوست إديها
وانا تايه في درب الحيرة والتفكير
وجابت برتقان كانت
تخيبه من ولاد عي
وكلنا يومها أنا وهيا
ونسيتني جميع هي
وسيتي يومها من خوفها

أزوح بيتنا مضايق
جابتلي حضنها الدافي
ولفتني بشال روحها وعملت شاي..
قعدت معاها متدي بنور سهراية ف الأوضة
صحيت م النوم وانا فاكرا
بإنها من زمان ماتت
وكل ده كان مجرد حلم
مفيش فيه حاجة موجوده!

حقنة البنج

دكتور ..
مستشفى وناس ووشوش
وأنا نايم والناس حواليا ..
إيدك مع إيدي البردانة ..
ف صراع خليك جنبي شوية ..
وعنيا بتقفل أبوها
وبروح ف النوم غصين عني ..
الورد ده خالي بعتهولي ..
ساب إسمه بخط كبير الكارت ..
مفعول البنج اللي ف دمي
راح فجأة ببص لقيتني كبرت .
جناح الدنيا شالك فوق ..
ورزعك تحت ..
بكيت وفرحت ..
بكيت فإرتاحت ..
وطعمك طعم أول بنت تقابلها ..
ف أول يوم ف إعدادي ..
وقلبك لسه لون صفحة
ف كشكول سلك لسة جديد .
مكنش ساعتها فيك لمعة ..

وشكلك منتهى العادي ..

فضلت تحبها لوحديك ..

وأبعد م البعيد ب بعيد ..

كان العمر حقنة بنج ..

تنام عيل تقوم تلقى ..

ملا محك كلها تجاعيد...!!!

من فوق لتحت

وانت لما يجيبوا سيرتي بعدها..

متقولش شيء ..

إسكت كتير

وإن صمموا ..

إبقى إفتكرني بكل خير

قول كان جدع ..

وكلنا ياما عيش وملح

وقسمنا حالنا حزن فرح

وكان ما بينا ذكريات..

قول كان يحب الشاي أوي

ويحب أكل البقسماط..

قول كل حاجة

بس إوعى يا صديقي تقوى ده مات

جيب سيرة ماتش PlayStation قطعتك فيه

جيب سيرة آخر خمسة جنيهه

أنا وانت قسمناها ف مونف..

علشان أنا أرجع راكب تكس

واوعاك نزعل ..

بالعكس إفرح..

إشمعنى ف دي دماغك رفضت

تمشيها العكس ؟!
 متقولش إن أنا كنت رفيع
 ولا حتى تجيب سيرة صوتي اللي قرفتك بيه
 إتكلم مثلا عن إني
 كان نفسي الناس تعرف جداً
 شكل الإنسان الجواني..
 مش شكلي ف صوري اللي على الفيس
 إحكي عن القاعدة مع صحابنا
 واللمة ف سهرة كل خميس..
 كلمهم عن حي ل أبويا ..
 أصلنا ملحقنش أقولها له
 كلمهم عن عمر ابن إختي
 وخليه يقولك بعدي يا خالو
 كلمهم عن حي الزايد
 للقهوه البندق و الببسي..
 كلمهم عن إيدك لما
 تشاركني بطاطس كيس شيبسي..
 عن تعبي من المشي كثير
 عن كرهني إن أطلع بيتك فوق..
 علشان ملقنتش أسانسير..
 عن كلمة متسيبها على الله ..
 وبكره هتعلی
 عن فرحة قلبي بجون ميسي ..

الأول يوم ماتش الميلا..
 عن قولة هيه لما بتعلی
 كان عندي كلام أكثر لكن ..
 الفرقة بتطلب كده بسكوت ..
 وخصوصا لو فرقة موت!

عن بنت

بنت الهوا ..
حرك ستاير شعرها إتحوّل نسيم ..
بنت بوجع عيل يتيم ..
وبخضن مخلوق من شتا ..
بمشي لوحدي ف حضنها ..
وعيونها بتمطر دموع ..
خدي اللي سبته ل كتفها
وإديا نايمه ف كفها ..
تشبه أوي للصبح بدري ووحدي ..
تشبه ل قاعدة قعدتها مع جدتي
وأخذتنا فيها الفضفضة ..
بنت لازم تنسل :
هوا إنتي حلوة إزاي كده ؟
بنت بشجن أيام زمان ..
تشبه أوي تترل مسلسل تسعيناتي ..
تشبه أوي ضحكي ف وسط ولاد خالاتي ..
تشبه زينبنا وأوبرا عابدة وحصة الألعاب وكورتي ..
تشبه حنفي لضحكة كانت
مالية صورتي ..
تشبه لكل اللي إنتهى ونفسي انه يرجع ..

تشبه لراحة بس راحة ساعات بتوقع ..
تشبه ل ذاتي وذكراتي وخط أيدي ع الحيطان ..
بنت بشجن أيام زمان!

ف حب الله

(1)
بحبك ف وسط الحاجات اللي والي ..
بحبك فأقرب ..
وأقرب فأصلي ..
يخوني اللي خاني ف دمعي الكثير ..
أقول بس ربي ! .. فيتقال " كبير " ..
ف أكثر وأحبك بقلب العيال ..
جميل وانت دايمًا تحب الجمال ..
ومنك وليك وحدك إنت المسير ..
وبيك وحدك انت يا رب المصير ..
بحبك برغم إني بطلع أخير
ف كل إمتحان عشت فيه وإتعمس لي ! ..
بحبك ف وسط الحاجات اللي ولي!

(2)
علاقتي ب برينا تشبه
لحاجه مش شبه حاجه ..
بحس إني ف عنيه حاجة
وكل الخلق دول حاجة ..
وأعوز حاجة فيديني

الكنز في الرحلة

(1)

إحنا أساسا يا صديق إثبات وجود الله ..
 هتقولي ليه ؟! .. هتلاقي رد ..
 ما لكل شيء في الدنيا ضد ..
 وهيا دي إجابة السؤال ..
 وانا و انت فيه جونا نقص ..
 فطبيعي يبقى فيه كمال ..
 صفة الكمال نفسها ..
 محتاجه لها إله ..
 يبقى احنا إيه غير إنا .. إثبات وجود الله ..!

(2)

هو انت تعرف ربنا ؟! ..
 يا بني السؤال بقي شيء ممل ..
 طب تعرف إيه قولي ..
 ممكن يكون الكون سراب ..
 مفهومك إيه عن خلق شيء من شيء أقل ..
 وإزاي تفسر خلق آدم من تراب ..
 بص الحكاياه كلها ..
 فيه حاجات تيان من نفسها ..
 وانا برضه ممكن أفهمك بمنطق الورقه وقلم ..

بدال الحاجة ميت حاجة ..
 وياخد مني فأضايق ..
 برغم إنه اللي جاب أصلاً ..
 وأنا أصلاً ..
 ولا حاجه!

(3)

يارب أنا.. صدقني مُفتقدك أوي ..
 وعلاقتي ببك
 ميقتش تشبه للي فات ..
 جايلك وانا ندمان بجد
 وقلبي مفلوق م العياط ..
 صدقني أنا مش جي عشان
 عندي امتحان ..
 ولا حتى جي عشان غرض ..
 أنا جي عشان قربك أمان ..
 والبعد عن دربك مرض!!

أول قواعد فزنتك قالت ..

لا شيء يبجي من عدم ..

طبق كده المبدأ على كل الوجود ..

هتلاقي لازم يبقى فيه خالق ..

وساعتها هتشوف الطريق ..

طبق كده المبدأ على الخالق ..

يا بني حقيقة ربنا مش خاضعه للمبدأ ..

طب قولي انت إزاي هيتطبق ..

وهو ليس كمثله أصلاً شيء ؟!

(3)

صاحب مختار ف سؤال قالي ..

ربنا قادر ؟!

قولتله طبعاً ..

قال يعني بإيده ف يوم

يخلق للخلق إله ثاني مكانه ؟!

قولتله بما إن الله قادر

فده يبقى طبيعى ف إمكانه ..

ومادمت آمننت انه القادر .. فمأمن إنه المتكبر ..

ودي حاجه مهيش قابله ل تشكيك ..

والله بما إنه المتكبر

ميجبش ليه ف الملك شريك

(4)

تَعرف مكان ربنا ؟!

طب قولي فين هو ..

جاوب كده وإن فيه إجابة إثبت ..

فسكّنت أكثر مما انا بسكّنت ..

والعقل قام فكر ..

والقالب راح دور ..

فمسكت علقي وقولت متفكرش ..

وناديت لقلبي تعالى متدورّش ..

شوف يا صديقي الحكمة ف وجود ربنا ..

إنه هنا وموجود ف كل الأماكن ..

وبيبقى أقرب لينا دايماً منّا

مع إنه جالس ف السما ع العرش ..

قصا قیص

109

(1)

انا جاهز أبيع نفسي يا باشا ..
وهدمع جداً الشاشة ..
وهنهنه وأنشحتف وأبيكي ..
وهفضفض في الإعلان وأحكي ..
بس متنساش وعدك بالكشك ..
والصدقة الجارية و كام ملطوش ..
في الآخر برضه مبيكفوش ..
وهنام بردان مش لاقى لحاف ..
وهقف في طابور العيش الحاف ..
وأجري الفجيرة ورا الأوتوبيس ..
لدرجة اللي هتقطع نفسي ..
مانا بصعب على جوعي الكافر ..
لكن مش بصعب على نفسي!!

(2)

وتضربك الحياه فجأة
ألم على وش أحلاك ..
تفوق على صدمة تتمنى ..
تموت حالاً عشان ترتاح ..
مفيش للفرح ليه مفتاح ؟! ..
وليه طيب ؟!!!! ..
طلوعت عنيا للآخر وبصيتلك ..
وليه طيب رميت للماضي م الشباك ..
عشان تبقى اللي هي كله ..
وليه طيب وليه طيب .. ولله أصلاً انا طيب

(3)

حتى إنني طلعتي بتمشي؟! ..
من غير أسباب مقبولة ..
لفيتي معايا بـ بعدك ..
نفس الدائرة المقفولة ..
مشهد كلاسيكي أنا شوفته ..
مع كل الناس من قلبك ..
لكن عيطت كإني ..
شافيه و للمرة الأولى ..
المخرج سقّف جداً ..
مشهد مقهوش ولا غلطة ..
وأنا عشت في حبك بَدَن ..
لكن يا خسارة في مالطة ! ..
لا عرفت لـ بابك سكة ..
ولا عارف فين عنوانك ..
مانا كنت بقابلك صدفة ..
وأعرف من نفسي مكانك ..
لو كان لسة بإمكانك ..
تستني لآخر فصل ..
في بقولك قبل قرارك ..
كل النهايات مجهولة

(4)

112

الساعة اللي تملّي بتمشي ..
عكس ما ببقى أنا دايمًا عايز ..
قلبي المقموص من ماضي قديم ..
وشي المتركب على وشي ..
متعود دايمًا أبقى كتوم ..
هتكلم قدام شيء جاي ..
لكن صدقتي أنا مش عارف
أتكلم حالا معلشي ..
في الدرج منوم هاتيهولي ..
كوباية المية هناك عندك ..
أنا آسف علشان جيت ولقيت ..
صاحبك مبقاش ينفع سندك ..
أنا آسف على إني مكركب
وملغبط جداً من جوا ..
كان نفسي أكون اللي إتعودت ..
تحكيه لكن أنا مش هوا ..
لوجي عشان تحكي لي إحكي ..
لوجي عشان تسمعني في قوم ..
أنا كل ما بتكلم بيكي ..
أنا كل ما بيكي بروح في النوم ..
ويقوم مفزوع على صوت ذكرى ..
وأتهند وأستغفر وأنام ..

113

صدقني أنا علاقتي بـ بكرة ..
على عكس اللي إتمنيته تمام ..
متجرجرينيش فـ كلام أرجوك ..
خليني لحيرتي ولا سكوتي ..
أنا إنت ومعرفتكش عشان ..
من كتر سكوتي نسيت صوتي!!

(5)

بحبك ولكن .. مقولتش وجايز ..
هقول بس صبرك عليا لأنني ..
مفيش فيا حتة .. تساع جرح تاني ..
بحبك ولكن .. بخاف أبقى عايز ..
أكون فتره وحدي .. فـ أسيبك لأنني ..
هوائي وأنااني ..
أنا حد طيب ..
فـ لو قولتي طيب ..
هكونلك قريب ولكن ..
بـ بُعد ..
أنا قلبي جرب ..
وحاول وقرب ..
لكن فجأة أصبح ..
بخاف يدي وعد ..
فلو كنتي قابلة بشروطي إقبلها ..
ولو كنتي ماشية ..
منيش هندهك ..
أسيبك فـ أول حياتنا ده أحسن ..
من إني أكمل معاك أكرهك!!

القهوه بتبرد ف إديا ..
وعينيكي ف عيني لكن تاهين ..
وكان الزحمة بقت فينا ..
مش ف العالم والبي آدمين ..
سكان ..
دخان ..
وشوش وبيان .. مقفولة بقفل ..
مشكلتي معاكي إن أنا مش عايز أفضل طفل ..
مشكلتك إنك رقصة سلو ..
على كوكب من بره الدنيا ..
وأنا عمري ماكان فوق ضهري جناح ..
مشكلتي إن أنا مش ف الجنة ..
ولا حبك قطعة تفاح ! ..
مشكلتك إنك مش حوا ..
مشكلتي إن أنا عامل آدم ..
منكرش إننا كنا ف يوم حلم ..
والحلم ف لحظة الخوف سرقوا ..
أنا واني إثنين مهما يحاولوا يفضلو مع بعض ..
هيتفارقوا

حكايك وسيرتك مرايتك وصورتك ..
وتوهة ملامحك ف زحمة وشوش
قميصك وياقته وعمرك ووقته
وكام شئ بدأته ..
مكملتش ..
تقرب نسيهم ..
تسيهم تقرب ..
فتفضل لآخر حياتك تجرب ..
فتندم وتفهم ..
بانك مقيش ..
تقابل بتقبل ..
بدوره الدرامي ..
ف حدوته أجمل ما فيها الأسامي ..
تمثل ف تفضل برغم اللي يحصل مجرد أفيش

وكان بعدك عني لحظة موت أبويا ..
 على كتف أمي التاهية في المشهد بصمت ..
 أو مرة فيها أنا كنت ماشي والعيال
 عايروني إني ماشي بعرج فلبتسمت ! ..
 وكان بعدك عني Cancer أو شلل ..
 أو زقة من فوق فوق أوي ..
 في وقعت مكسور ع الملل ..
 عمال بعد الذكريات
 وأحكي حكايات وأكتب وأقول ..
 وأنسى إني عايز أنسى فأضطر أفكر ..
 وأنسى إني عايز أحب غيرك ف أعشقك ..
 وأنسى انك إنتي خلاص بقيتي ميتة ..
 أبكي تشاركني السما وتزف شتا ..
 وأبدأ أحاول أعيش فأموت ..
 وأنسى إني مضطر أبقى عايش
 فأنتحر ..
 وأشقى منيني الجايه
 على حبط اللي فات ..
 وأفضل مصمم وأقتنع ..
 إن إنتي عايشة وكل يوم إحنا سوا ..
 عايش بيتمنى يكون
 وياكي مات ..

• اللي فاتك واللي ماتلك ..
 ذكرياتك ماضي قاتلك ..
 واللي راح ل فلان ما راحله ..
 واللي جاي جي بمراحله ..
 واللي سابك واللي سيئه ..
 واللي وداك واللي جبئه ..
 واللي من عشمك عاتبتة ..
 بس مفهمش العتاب ..
 واللي خيبتك زي خيبته ..
 والجواب اللي كتبته ..
 وهيا مقرتش الجواب ..
 سيب لو إنت كنت خايف ..
 موت عشان تعرف تعيش ..
 تفرق إيه لو قولت مالك ؟! ..
 لو جاوبتيني بمفيش ! ..
 هيا ماشية وبكره ماشي ..
 دايرة هتدور ع الجميع ..
 كل شئ علشان يجيلك ..
 شئ قصاده كمان يضيع

وطلعت لفوق جداً جداً ..
 صلبت وكإني بودعكوا ..
 معلنش كلامي هيوجعكوا ..
 ف إقروه للآخر لو حابيين ..
 كلنا مساكين ..
 أموات عايشين أو بين الاتنين ..
 أنا كنت مفكر وانا عيل
 إن الأيام أفلام سيما ..
 ورضيت بالواقع لما فهمت ..
 حكمة ربنا ف التقسيمة ..
 كلنا جايين الدنيا بنقص
 وبحاجه زيادة عن الباقيين ..
 ويارب إزاي .. وانا مش بسأل ..
 ليه حكمة ف كل اللي بيحصل ..
 سبحانه قسّمت الأرزاق ..
 أشكال أنواع ..
 ولغات أسماء ..
 وشوارع فيها بيوت وحارات ..
 وجوامع وكنائس وبارات ..
 لا يتمنع رزقك عن كافر ..
 ولا سايب مؤمن ف الضيقة ..

ربنا موجود والنبي موجود ..

والموت زي حسابنا حقيقة !!

(11)

كل حاجة ناقصة صوتك ..

ناقصة سيرتك ..

ناقصة تكشيرتك فغيرتك

ناقصة ربحتك ناقصه روحك ..

ناقصة حضنك

ناقصة خدك لما يتحول لورد

ناقصة نفسك لما يلمس ..

كف إيدي ف وقت برد ..

لمسه حتى القهوة مرة

ف إنتظار سكر شفايفك ..

غبتي فجأة وسبتي قلبي

ف كل حاجه شايفها شايفك

نص فاضي ..
 عيني رايحة لكل ماضي ..
 ناس أنا ميقتش أشوفها ..
 ناس شافتي خدتي حزن ..
 ست حزن ..
 سبت ع الشباك أغاني ..
 سبت للأيام سني ..
 سبت للكشاكيل قصايد ..
 سبت لعيونك حني ..
 قولتي ماشية قولت خايف ..
 قولتي لازم .. قولت لأ ..
 دمعي مَطَر بين إديكي ..
 كل ركن ف قلبي دق ..
 قولت خُضنك قولتي إنسى ..
 أي حاجة وكل حاجة ..
 نمت فجأة صحيت لقيتني
 حد غيري ف كل حاجة..

مديلي جناحك ..
 نطلع فوق ..
 منجيش ثاني ..
 الزحمة بتشرب دمي ف كاس ..
 وأنا بشرب ف الناس أحزاني ..
 إديني الفرصة أمسك إيدك ..
 وأتحول ناي .. لو غنيتي ..
 أنا جي عشان إستني ..
 أنا عايز أمشي عشان نفسي ..
 مفضلش أشوفني بلون بهتان ..
 محتاج م الناس تفهم إني ..
 ف الأول أصلاً إنسان

(14)

أنا أخربؤف مج الشاي ..
إتساب علشان أصبح بارد ..
أنا جايز يمكن أنا عادي ..
وأنا شئ مبقاش أصلا وارد ..
الدنيا بتريطلي جناحي ..
وجناحي المربوط بيمافر ..
أنا خايف قلبي يموت كافر ..
يقطع شراينه ف لحظة ضيق ..
علشان متخيش غير مرة ..
كان حضنك يشبه له " موسكو " ..
وكان طعمك طعم بلاد بره ..
الغربة بتكبريا حبيبة ..
وقريبة بقت عني غريبة ..
إدبي طريقة عشان أنسى ..
مش عايز وقت ونوم زايد ..

(15)

أنا زي المترو بشيل جوايا
ورايح جي ..
أنا ميت جدا لكن ..
من برة ببانلك جي ..
ف تشوفي بوش مداري ..
كل الأحزان بستارة ..
وإن عوزت تشوفي كويس ..
لبس قلبك نضارة ..
أنا وانت وغيرنا وغيرهم ..
نامس مؤتهم تفكيرهم ..
على نفس الحبل بنمشي ..
وبترسم نفس الخط ..
أنا خايف جداً مني ..
أنا أبعد ساكن عني ..
ف بقيت عايش ولكني ..
زي الأموات بالظبط

ف حبك كلام قالني أكثر ما قولته ..
 وحبك طريقي اللي دائماً طويل ..
 ف حضنتك بفضفض بكل اللي شيلته ..
 ف حزنك بحس إني عايش قتيل ..
 وأدور عليك ف مرايتي لإنك ..
 كإنك ملامحي وشكلك ده شكلي ..
 بحس إني أبوكي وإبنك وأخوكي ..
 همومك همومي ومشاكلك مشاكلي ..
 وبزعل لزعلك وبتعب ل تعبك ..
 وعایش بروحك وريحتك وبيكي ..
 كإن إحنا واحد ..
 لكن مقسومين ..
 عشان أبقى عايش بدور عليك

قميصي اللي ناقص تبلي زرار ..
 وصوري وحيرتي ودوشة قرار ..
 مشاكل وشكلي وجد وهزار ..
 وليلي بطولي وطول إنظار ..
 ياريت كل حاجه .. بتيجي ب بلاش ..
 ياريت كل ماشي .. مجاش م البداية ..
 ياريت اللي مات فيا هوا اللي عاش ..
 ومات اللي فاضل قصاص المراية

الرُصاصة فـ جيب ضلوعك
 مستقرّة فـ حضن قلبك ..
 والفلاش الباك بيرجع بالزمن لمكان فراقك ..
 والهوا بيخبط فـ كتفك ..
 والمطر عمال بيجرح دون ما يقصد كبرياتك ..
 والنهاية المنطقية للحكاية هيا هيا ..
 يلا آخر مرة أكشن ..
 الفراق كان _last shot_ ..
 الرصاصه بنت حلوة ..
 داس صوباع الوحدة قاصد ..
 فوق زناد الصدفة فجأة ..
 هيا خبطت فيك فـ مُت

عندك زهايمر من زمان ؟! ..
 تقدر تقول من كام سنة معرفش كام ..
 مبقتش بحسبها بتاريخ ..
 مبقتش أفكر فـ الزمن ..
 كل الحاجات الحلوه لما بتتنسي ..
 تبقى بـ بلاش من غير تمن ..
 تعرف يا حج انا بحسبك وإسألني ليه ؟! ..
 تحسدني ليه يا صغير إنت عـ المرض ..
 هوانت يعني خسرت شئ تندم عليه ؟! ..
 انا قصيدي يعني إنك بتنسي حاجات كتير ..
 وهتنبسى كل اللي إحنا حالاً كنا فيه ..
 أنا نفسي انسى عشان أنام ..
 أنا نفسي أبطل أقول تمام ..
 وأحكي اللي جوايا مداريه ..
 فضفقتله وحكييت بكيت ..
 قام قالي والدمعه فـ عنيه ..
 هوانت مين ولا ابن مين ولا إسمك يه ؟!

الجاكتة ..
 والروشته ..
 الساعه ستة
 وصوت حليم ..
 والمهدئ والمتوم ..
 والقميص المش مقلم ..
 والوجع جواك معلم ..
 زي شرخ ف بيت قديم ..
 الشتا بيخبط ف كتفك ..
 والحنين كتف دراعك ..
 حتى إنت مش ف صَقَّك ..
 حتى قلبك مش بتاعك ..
 سبت نفسك للشوارع ..
 والقهواوي والحكاوي والصحاب ..
 حلمك المربوط ف نجمة ..
 متداريه ف السحاب ..
 كنت متاخذ خوانة
 وكنت متاخذ غياب ..
 واتسألت عن اللي جايلك ..
 قومت باصص للي فات
 و إبتسمت عشان تداري ..

اتسابت وسبت لحد ما خدت ..
 م الفرقه وم الحزن كفايتي ..
 عودت عنيا تبص كثير ..
 للنص الفاضي ف كوياتي ..
 وشريت الناس سُكر بره ..
 وحضنت الخوف مليون مرة ..
 للدرجة اللي تخليني بقيت ..
 مبحسش للحاجة بقيمة ..
 للدرجة اللي تخليني بكيت ..
 على أتفه أفلام السيما ..
 والنكتة اللي بقولها قديمة ..
 لكن بتلخص أهي حكايتي!
 وضربت ودع ..
 وضربني وجع ..
 وبنيت أحلامي على الرملة ..
 وحلمت فارقت ..
 وفهمت ف فوقت ..
 ما القصة أساسا مش كاملة ..
 وانا واتي وناس غيرنا اتقابلوا ..
 بالصدفة اتفارقوا كمان صدفة ..
 وازاي وانا حاضنك يوم ه أدق ..

وحياتنا سناريو كبير لكن ..
 بنهاية أساسا مش هادنه!

مسألة مبدأ يا باشا ..
 ف خد كلامي عشان مهم ..
 مش مجرد شو ف شاشة ..
 أو فصال على سعردم ..
 واني جيت علشان أقولك ..
 إن إيدك سابقة عقلك ..
 وإن كلبك وإن قلبك ..
 واللي حواليك والطبنجة ..
 كلهم أضعف أساسا من قصيدة أو كمنجا!

بين مشاعري وبين مشاعرك خيط بشده ..
 وإحنا بين الاتنين حبيبي تلج داب ..
 كل مانتي بتبني حاجز بينا أهده ..
 كل لحظة بُعد ب سنين إكتئاب ..
 سبت إيدك سبتي إيدي
 سبينا بعض لذكراتنا ..
 كنا بنقرب ونبعد ألف مرة ف الدقيقة ..
 كل شيء كان حلو بينا
 فجأة أصبح ماضي فاتنا ..
 كذبي لو ثانية ظني ..
 وقولي لأ.. مش دي لحقيقة ! ..
 بين مشاعري وبين مشاعرك ..
 خيط معلق روجي بيكي ..
 كل شيء إحتاجته إنني ..
 وكل شيء محتاجني فيكي ..
 بس مهما بكون قريب ..
 برضه يبقى بعيد وأخاف ..
 إننا نفضل ف دايرة ..
 شك أو غيره وخلاف ..
 والمنين تبعدني عنك ..
 وتبني بينا الدنيا حاجز ..

وأبقي محتاجك وعاجز
إني أقرب حتى منك

(24)

تخاف أوقات عليك منك ..
فتمسك إبرة النسيان ..
تحدد فين مكان الجرح وتخييط ..
تعيط قد ما تعيط ..
وتربط قلبك المجروح ..
بشاش الصبر وتسلم ..
وتحضن كل أوجاعك ..
ف لحظة خوف من الأيام ..
أنا لسة بلم الباقي من أحضان ..
صحايا فكل كام مره ..
بسلم فيها وانا عشمان ..
يطول الحضن للآخر
وتيجي الدمعة من عيني ..
وترمي نفسها من فوق ..
تقع على كتفه يسألني ..
يا واد قول لي ؟! ..
أقول عادي ..
أنا أصلاً شريط فاضي ..
هتسمعي ..
هتسمع صمت ..
ده عيب مني مهوش منك ..

لا مني حكيت في إيه مالي ؟
ولا مني داريت عنك

(25)

كان عندك حق ..
النص الأبيض فيا إغقق ..
كتاب لو قلت إن أنا صافي
من ناحية حد أنا خسرته ..
مع إني بجيب بالخير سيرته ..
كتاب لو قلت ان أنا بفرح ..
والضحك بجد مهوش تمثيل ..
كتاب لو قلت بحب الليل ..
انالسه وحيد وبموت م الخوف ..
متجر جرنيش ف كلام متشال ..
قوم سيبني ف حالي إعمل معروف ! ..
انا آه متشالة ف قلب خلاص هيبطل دق ..
أنا آه نفسها تتحول لأ!

منينك فرط .. سجايك فرط ..
 ولمسه حبيبك الحلوة ..
 بتسأل إنت ليه إتغيرت ؟!
 وحبك حب مش كامل ..
 ونقصك لسه مش معروف ..
 غشيم إن خوفت تتعامل ..
 فتتعامل بشئ مـ الخوف ..
 كبرت كبرت كبرت كبرت ..
 خلاص عـ الجرح وحياتك متتكاش ..
 فـ جرح الروح هتعمل إيه .. بـ بكرة شاش !!؟؟

المسيبي إن مُت جايـ ..
 فيا روي ترد تاني ..
 ليه بحبك بس دايما فيكي حاجة مخوفاني ..
 فيكي شك وفيكي حيرة ..
 وفيكي مني حاجات كثيرة ..
 وكل شئ بحتاجله فيكي
 وكل حاجه فيكي فيا ..
 زي مانكون فوله قسمت نفسها
 ومش ذي القضية ..
 القضية
 إني بحبك وإنتي حابة محبيكيش ..
 عشتي فيا فـ مت فيكي ..
 فـ موتي فيا عشان أعيش!

غزل البنات ..
وعيال ف حوش المدرسة ..
وعنيكي وكلام إتسمى ..
لكن فضل ..
على كل دكة ف تالطة تاني مفكرك ..
إيه غيرك ؟! ..
يمكن عشان الحب بيخلي اللي بيحبك غبي ..
يمكن عشان ف عنيكي مليون معجزة ..
وانا مش نبي!

زي النهارده من منين ..
أنا كنت بدفن جديتي
وماسك ف إيدي. إيد أبويا ..
وف العزا
كان السواد ما بي المكان ..
كان المكان شبه الوجع ..
أيل مايلمس قلب عيل م العيال ..
كل الوشوش
مفسولة بالدع اللي سال ..
قرآن وصمت ونهنية ..
على قهوة سادة وصوت صرخ ..
مكتوب على الجدران تاريخ ..
وكبرت ونسيت كل شئ ..
ايل ما روحت البيت لقيت
فجأة التاريخ لسه هذك ..
بس الجدار عجز بقى ..
كل الحيطان من همها ..
كانت ضيعينه مشققة ..
بيتنا القديم
حزف وشاب ..
حاله إكتاب ..

عمال يفارق ناس بموت ..
ويعيش بذكرى حد غاب!

(30)

كانت مشكلتي الأولى ..

إن أنا مش بعرف أسامح ..

وبحب امبارح جداً ..

لمجرد إنه إمبارح ..

وبحب الوقت يفوتني ..

وانا ساند كل اللي فد بالي ..

على كتف إزاز شباك الباص ..

إكسينيكياً

أنا عايش ..

مع إن أنا مت خلاص!

ساندة براسها ع اللي ضاع من عمرها ..
 ولا عمرها م الماضي قامت ..
 الجو أهدى م الموسيقى التصويرية ل فيلم صامت ..
 الفراشة .. الباليه ..
 ألف ليلة وألف ليه ؟! ..
 مسرح يشبه للسحاب ..
 كات ماشية حافية على الغيوم ..
 طلعت وربطت قلبها ف إيد القمر ..
 بصت لفوق .. وعيونها بتعيط _ نجوم _ ..
 كانت ضلوعها مضلمة ..
 وانا كنت ناي ملين شجن ..
 ودعتها زي اللي بيودع وطن ..
 ومشيت وانا زي اللي تاهين ف الزحام ..
 كات غربي غربة _ يهود برلين _ ..
 وكنت أدبل من سنابل قمح يوسف ف المنام ..
 زي اللي أول مره يتفارق ..
 زي اللي ييفارق براح ل ضريح رخام

بيانووين ..
 وقهوة وبنت ..
 وكوسي وناس ..
 بحبك ليه ؟! ..
 سؤال مكتوب ..
 على الشباك بسن رصاص ..
 عيونك بيروانا الصديق ..
 فآلقيني ف غياهب الجب ومن إمتى بنسأل ليه ؟! ..
 مادام صيغة سؤالنا الحُب!

رسمتك صورة مكسورة ..
 وروح عايشه بوش إزاز ..
 لقيتك غنوة غنيتك ..
 وصوتي صريخ وخوف ونشاز ..
 يا عايشة فكل شئ فيا
 عشان أنا أموت ..
 يا سايبة فقلبي ميت درويش
 يلقوا عيونك الملكوت ..
 يا كلمة بقولها وأنا ساكت ..
 بشئ م الخوف ..
 يا حلوة فكل عين بتشوف ..
 جمال صورتك مهوش لايق ..
 عليها عشان أكون برواز!

فأول كل شئ آخر ل شئ غيره ..
 وعسر ويسر جاين لك
 ففقس القو
 والتوقيت ..
 بكبت علشان فرحت زمان ..
 فرحت عشان ل فتره بكبت ..
 فل يوم صدفه نتقابل ..
 وبصتلك وبصتلي ..
 حضنتك وانت مش فرحان ..
 مشاعرك يومها وصتلي
 مدلتك مالك اتكلم ..
 ضحكك فوشي وحكيكلي ..
 فسبحان اللي بيسبب ..
 نسيت هي نسيت همك ..
 بحضن مكنش مترتب ..

أنا وإنني دايما ف خلف الخلف ..
 بنبعد ف تعب .. تقرب نخاف ..
 فلا مني جيتلك .. ولا مني غبت ..
 ولا مني حاضنك ولا مني سبت ..
 لا حصلت يوسف ولا كُنتي مريم ..
 ولا كُنتي وردة ف سنيي العجاف ..
 ويندهني أول بعادي الحنين ..
 أجيلك تصدي ..
 أصدك تجيلي ..
 ندور دايره فيها الأنا والأناين
 أميل لو تملي ..
 أملي .. تميلي ..
 ولا عرفت أسيبك ولا عرفت أحبك
 ولا عرفنا حتى نحكم قدرنا ..
 ولا حتى ذنبي ولا حتى ذنبك ..
 خبطنا ف بعضينا
 فجأة إنكسرنا!!!

خدني الكلام مع بنت نفسي تحبي ..
 وقضضت رغم الإكتئاب ..
 وسرحت ف عنها اللي كانوا بألف باب ..
 ريحة المكان قهوة .. طعم المكان كان حزن ..
 يا خوف عنها من اللي جي يا ست حزن ! ..
 وقصرها عالي ..
 وأنا عيني غاوية تبص برضه ل فوق ..
 جتلك مكان م الحب كافر باللقا ..
 جيتلك ف قهوة هناك ف باب اللوق ..
 أنا وإنني نفس البرج ليه ؟! ..
 والفرق بينا بس يوم ..
 حتى السنه نفس السنه
 انتي مش شبيهي وبس ..
 إنني أنا ! ..
 ما تجري تحبيني يمكن نتلضم
 وتلم كل اللي إتجرح فينا ..
 ونقول كلام أصلاً أوانه مجاش ..
 ونحب بعيد عن البراوير ! ..
 مش شرط تبقى نهاية الحب العظيم البيت ..
 اللي هتبقى فيه سوا عواجز ..
 حلو النهاية ومرها ..

سبت اللي فات كله فـ شنطة مدرسة ..
 سبت الدروج تبكي بأنين ..
 سورة البروج والحصة دين ..
 سبت الحصص جنب السنين ..
 سبت العيال ..
 سبت السلام والطابور ..
 كشف الحضور ..
 سبت العلم جنب القلم ومشيت ..
 بصيت لنفسى شويه فـ إتخضيت ! ..
 أنا ليه بقيت عامل كده ! ..
 طب راحوا فين ؟! ..
 وبي البشوش ..
 لون القميص ..
 جلد ولوحة ومسطرة وكشاكيل ..
 واجب عليا بيتعمل بالليل ..
 واللككه إن متعملش مـ أصل أصل وفصل ..
 آيه_ اللي كانت ..
 ست حسن الفصل ..
 تفصايل حياة التسعينات ..
 خوف العيال مـ اتطعيمات ..
 تسمع حكاوي عيال سوا ..

على حلقة مالمال والبنون ..
 طوبتين فحوش المدرسة ..
 يتعملو جون ! ..
 والكوره مش دايمًا معاك ..
 ولا كنت دايمًا ويا منها تكون ! ..
 سبت ابتدائي كلها وإتسابت ..
 مابين دروس ونظام وضغط وكبت ..
 شرب النظام بالمعلقة مرّه ..
 خلي العيال يبطلوا يفكروا ..
 ويحبوا يوم الجمعة وأجازته ..
 ويسبوا أي روتين بيبدأ _سبت_ !

(38)
 أنا سبت حد رسابي حد ..
 انا سبت ميونيش ل حد ..
 آخر بكا ل عنيا كان ..
 ف مكان مروحوش من زمان ..
 أول ما روحته هناك بكيت ..
 أول بكايا .. كان عشان ..
 والله ما أعرف كان عشان إيه وقتها ! ..
 لكن خادتي التهنة ..
 وسندت راسي ع اللي فات ..
 وقعدت أفكر؛ أفكر ..
 ليه إفتكرت ؟ ..
 كان باقي لسه ف علبتي فيه سيجارة فرط ..
 ولعتها .. وسرحت ف الماضي القديم ..
 كالعادة حاولت أفكرني بصوت حليم ..
 كالعادة وف آخر السناريو ..
 السيجارة بتتلفي ..
 الضلمة تدخل جوا متي لحد صورتي
 ما تختفي!

الصباح بدري المرتبط ..
 بأغاني فيروز أو نجاة ..
 ضيقك وتوهتك في اللي فات ..
 الفيس وناس معمولها م الضحك _ بان _ ..
 عمرو سليمان .. قلبت مين في الشاي شربت ؟! ..
 ومنين وفيين وإزاي هريت ..
 أنا كنت فاكرك نفسي سبت ..
 وطلعت متساب من زمان!

حبسة عنيك الصبح في الطلة م الشباك ..
 ساعتك وولاعتك ..
 همًا اللي فضلوا معاك ..
 وعنيك في عين دخان يببصلك دايما ..
 ال LM أثقل .. بكتير من ال Rosmans
 وعشان جدا غيّر ..
 والحالة لما تضيق
 يا بميل عليك يا صديق ..
 يا بجيب سجابر فرط ..
 ولعت كام مرة وانت بتشرب شاي ..
 القهوة برّده ساعت ..
 تخلص في نص كلام قولته مع سيجارة ..
 كل اللي بيتا إنتو ..
 مفضلش غير إسبها ..
 مفضلش غير سارة ..

من سنة واثنين وثلاثة ..
 كان نفسي أطلع وطلعت ..
 كان نفسي أكون وأهو كنت ..
 وكسبت الزمن الفايت ..
 والفرق أكثر من بونت ..
 سلمت سلاحي لنفسي ..
 وغلبتني مليون مرة ..
 الدنيا دي سلم لاقف ..
 على وسط الكون من بره ..
 والكوكب شايل ياما ..
 وأهو داير بينا يلف ..
 والقلب قماش متقطع ..
 ودماعي شريط بيسف ..
 والنجمة تزق النجمة ..
 والسما مش واسعه كفاية ! ..
 والليل أوقات بيرخم ..
 فيقوله ياعم كفاية ..
 وعيوني ان سكنت مرة ..
 فده معناه إني معدتش ..
 بعشق وبحب وأعوز ..
 وملخص كل حياتي غنوة _ سيرة الأراجوز _ ..

الملح طلع مالح ..
 والجرح أهو جاب مجروح ..
 وبغم الجرح أنا ناشف ..
 صبار عمري مادمت ..
 بتسند تاني ويطلع ..
 وبعاقر مهما وقعت ..
 إكتبوا على قبري وصية ..
 إن أنا إنسان مش ليا ..
 بتتني للناس بقصيده ! ..
 وأرخص تمن إتباع ! ..
 وإريتني ما عوزت إني أطلع ..
 وإريتني في يوم م طلعت
